

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 8
Abril 21, 2010
www.philippinerevolution.net

Editoryal

Uyatan ang inisyatiba sa nagahana nga paglupok sang krisis pangpulitika


Nagahana nga maglupok ang mabaskog nga krisis sang nagaharing sistema pangpulitika. Labi nga magasingki ang kaakig sang pumuluyo kag ang banggianay sang magkaribal nga reaksyunaryong paksyon sa mga plano ni Gloria Arroyo nga dayaan o idiskaril ang nagahilapit nga eleksyon. Sa atubang sang malapad kag madalom nga kinagamo sa kubay sang mga reaksyunaryo, dapat uyatan sang pumuluyo kag mga rebolusyonaryong pwersa ang inisyatiba sa pulitika kag labi nga isulong ang rebolusyong Pilipino.

Wala-tuo ang mga senyal nga nakasentro subong ang pagtinguha ni Arroyo kag iya mga kahimbon sa plano nga pagpalya sang "auto-mated" nga eleksyon. Sa atubang ini sang kabudlayan nga palutson ang pagdaog sa iya nagakaulihi nga manok sa pagkapresidente. Mismo ang mataas nga upisyal sang Malacañang ang nagapaandam nga tubtub 30% ang posibilidad nga

magapalyar ang de-kompyuter nga pag-isip sang boto. Sa diin man ini matabo, mahimo man kuno magkambyo sa mano-mano nga pag-isip.

Pero ang ginakakulbaan sang madamo amo ang pagpasibangud sang kinagamo sa isipay nga magasablag sa proklamasyon sang presidente, bise presidente kag mga senador tubtob Hunyo 30. Kon matabo, patud nga ipamilit ni Arroyo ang pagpadayon sang iya paghari bilang "presidente nga pangtransisyon."

Mas nagatum-ok subong si Arroyo sang daku nga atensyon kag resorsa sa eleksyon pangkongreso, sa kaugalingon nga kampanya sa pagka-kongresista sa Pampanga, kag sa mga maniobra niya pagkatapos sang eleksyon. Ginapabay-an na niya kag wala ginapartehan sang pondo pangkampanya ang mga kandidato sang partido niya sa mga lebel nga nasyunal kag lokal nga gubyrno. Nagatuga ini subong sang lapnagon nga sakit-buot kag pagbiya sa nagaharing partido Lakas-Kampi-CMD. Tuyo ni Arroyo nga kontrolon ang bag-ong Kongreso agud mabutang ang kaugalingon bilang Speaker. Pagaga-



Mga tampok sa isyu nga ini...

Hublag-protesta sa Hacienda Luisita

PAHINA 3

Rebolusyong agraryo, katuwang sa gera

PAHINA 6

Operation Green Hunt sa India

PAHINA 9

miton ang ini nga pusisyon agud iduso ang pagbag-o sang konstitusyon kag sa ulihi ipwesto ang kaugalingon bilang Punong Ministro para padayon nga makagahum.

Uyat na ni Arroyo ang kadam-an sang mga mahistrado sang Korte Suprema. Amo gani nga sa ulihi sini nga desisyon, ginpaboran ang plano ni Arroyo nga nombrahon ang magabulos sa magaretiro nga punong mahistrado, baliskad sa pagdumili sang reaksyunaryong konstitusyon sa nagapungko nga presidente nga magnombrar duha ka bulan antes ang eleksyon tubtub matapos ang iya termino. Kontra ang lain-lain nga sektor sa plano ni Arroyo bangud labi lamang sini nga gamiton ang Korte Suprema sa paghatag sang "ligal" nga basbas sa iya mga maniobra kag pag-abang nga pasabton siya sa iya daku nga mga krimen sa banwa.

Ang aktwal nga maniobra ni Arroyo mahublasan halin mismo sa adlaw sang eleksyon. Ano pa man ang mangin dalagan sang mga ini, pat-ud nga labi lamang sini nga pagagatungan ang kaakig sang pumuluyo kag pasingkion ang pagbato sang mga reaksyunaryong karibal sini. Angot sini, ginahanda na

ni Arroyo ang Armed Forces of the Philippines paagi sa sistematikong pagpusisyon sang iya mga tampad nga upisyal sa mataas kag mga yabing kumand sini. Sa tion nga kinahanglanon, mahimo nga pahulagon ni Arroyo ang mga ini agud suportahan ang iya mga maniobra kag tapnaon ang mga nagakontra.

Subong pa lang nagapaandam na ini nga magadeklarar sang layi militar sa mga lugar kon sa diin may mga "kinagamo." Pero sa sitwasyon subong ang AFP sa wala pa sang tupong nga kasingki kag kadalom sang disgusto kag rebelyon sa kubay sang mga ordinaryong tinawo kag mga manubo nga upisyal sini. Pat-ud nga labi lamang ini nga palubhaon sang anuman nga tikang nga gamiton ni Arroyo ang AFP sa pagpalawig sang iya poder.

Ang mga desperadong tikang nga ini ni Arroyo labaw nga ginakabalak-an sang imperyalismong US, amo man sang mga daku nga kumprador-negosyante sa Pilipinas. Nahibal-an nila nga ang mga tikang nga ini labi lamang magabunga sang kinagamo kag destabilisasyon sa papet nga estado kag indi ini masarangang tapnaon ni Arroyo. Para sa US, mas malahalon pa subong sangsa

pagpabilin sa poder sang subong nga papet nga madayon ang mapatihan nga eleksyon. Sa pihak sang mga pangako sang hubon Arroyo nga indi sini pag-idiskaril ang eleksyon, nakahanda ang imperyalismong US nga mag-interbenar sa tuyo nga amligan ang kalig-on sang nagaharing sistemang neokolonyal kag ang pagpadayon sang estratehikong interes sini sa pungsod.

Ang mga maniobra ni Arroyo magapa-igrab sang malapad nga kakig kag pagpamatuk sang pumuluyo. Sa subong, nagapahayag na ang lain-lain nga partido, kahublang progresibo, organisasyong relihiyoso kag malapad nga pumuluyo sang ila kahandaan nga maghulag sa karsada agud paslawon ang mga padihot sang hubon Arroyo.

Krusyal nga halambalanon sa pumuluyo ang pagsiguro nga matapos na ang paghari sang ginakangilaran nila nga rehimeng US-Arroyo kag masilutan ini sa ginhimo nga korapsyon, kapintas kag pagtraidor sa banwa. Hugot ini nga ginauyatan sang mga rebolusyonaryo kag demokratikong pwersa sa pag-atubang sa lain-lain nga mga padihot kag maniobra sang nagaharing hubon.

Dapat nila nga uyatan ang inisyatiba sa pulitika agud matipon ang kusog sang pumuluyo, paslawon ang mga padihot sang hubon Arroyo kag maisulong ang ila demokratikong gahum kag interes sang banwa.

Dapat madasig nga pukawon ang pumuluyo, palaparon kag pabaskugon ang mga organisasyong masa kag ihanda ang mga ini sa kinahanglanon nga paghulag sa atubang sang madasig nga pagliso sang sitwasyon. Dapat tukuron ang pinakamalapad nga posibleng nagahiliugyong prente agud tipunon ang kusog sang tanan nga pwersa anti-Arroyo. Dapat madasig nga dakpon ang posibilidad nga magkadto ang sitwasyon sa malaparan nga pag-alsa, labi na sa atubang sang baraghal nga pagpamilit ni Arroyo nga magpalawig sa poder



Tuig XLI No. 8 Abril 21, 2010

Ang *Ang Bayan* ginabantala sa leng-gwahe nga Pilipino, Bisaya, Iloko, Hiligaynon, Waray kag Ingles.

Mahimo ini *i-download* halin sa Philippine Revolution Web Central nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Malab-ot kami paagi sa *e-mail* sa: angbayan@yahoo.com

Kaundan

Editorial:

Uyatan ang inisyatiba sa nagahana nga paglupok sg krisis pangpulitika	1
Hublag-protesta sa Hacienda Luisita	3
Polisiya sa pagkampanya, ginapatuman	4

Madinalag-on nga opensiba sg BHB

Mga opensiba sa Mindanao	5
PNP-SAF, gin-ambus sa Rizal	6
Rebolusyong agraryo, katuwang sa gera	6

Pagpanghalit sg pasistang estado

<i>Hunger strike</i> sg Morong 43	8
Pag-abswelto sa 2 Ampatuan, ginkundena	8

Operation Green Hunt sa India	9
Pagpanamad sa ILPS, ginkundena	10
Mga mamumugon sa Europe, nagwelga	11

Balita	12
---------------	-----------

Ang *Ang Bayan* ginabantala duha ka beses kada bulan sg Komite Sentral sg Partido Komunista sg Pilipinas

lampas sa Hunyo 30.

Ang malapad nga kinagamo sa reaksyunaryong sistema pangpuli-tika dapat hingalitan sang mga rebolusyonaryong pwersa para isulong pa gid ang inaway banwa sa bilog nga pungsod. Pahulagon ang mga rebolusyonaryong organisasyong masa sa kaumhan agud isulong ang mga paghimakas agraryo kag iban pa nga kahublagang masa, aktibo nga abuton ang mga bag-ong erya kag palaparon ang sakop, kag mapasensyuso nga pabakuron ang Pulang gahum.

Palaparon kag pabaskugon ang mga rebolusyonaryong pwersa, demokratikong kahublagan kag hublag protesta sa mga syudad kag sentrong banwa. Kambyuhon ang kahigayunan nga ini sa pagpapag-sik kag labi nga pagpasulong sang rebolusyonaryong kahublagan sa malapad nga sakop.

Sa patag sang militar, dapat malingalitan ang pinasahi nga sitwasyon kag uyatan sang Bag-ong Hangaway sang Banwa (BHB) ang inisyatiba sa paglunsar sang mga taktikal nga opensiba sa bilog pungsod, lakip ang pila ka daku nga bunal sa mga pinakamasupog nga kaaway, labi na sa paglapnag sang mga kinagamo sa mga adlaw kag si-mana pagkatapos sang Mayo 10.

Labing mapadalom sang nagaindakal nga sitwasyon kag banggianay sa kubay sang AFP kon atubangon sini ang wala-tuo nga mga taktikal nga opensiba sang BHB. Sa isa ka bahin, sa pagkahigot nila sa mga taktikal nga opensiba, mapaluya ang ikasarang sang AFP nga maglunsar sang mga operasyon para tapnaon ang malaparan nga hublag-protesta sang pumuluyo. Sa pihak nga bahin, sa pagkasako nila sa pagsuporta sa mga maniobra ni Arroyo kag kontra-maniobra sang mga reaksyunaryong karibal, labing magahalag ang malapad nga kaumhan para sa paghagunos sang mga taktikal nga opensiba sang BHB. AB

Aksyong protesta sang mga mangunguma sa Hacienda Luisita

Halin Abril 19 tubtob 24, magalakat ang mga mangunguma sang Hacienda Luisita halin sa Tarlac padulong sa National Capital Region para iduso ang gilayon nga wala sang kundisyon nga pagpanagtag sang duta nga madugay na nga gindingot sa ila. Ginaduso man nila ang hustisya para sa 17 biktima sang masaker sang 2004 kag iban pa nga ginpatay sa pagtapna sa paghimakas sang mga mangunguma sa asyenda sining nagligad nga tinuig. Malahalon nga ipahanumdom nga wala ini sang hustisya sa atubang sang pagkandidato ni Benigno “Noynoy” Aquino III sa pagkapresidente sining tuig. Kabahin ang lakbayan nga ini sa nakatalana nga mga aktibidad nga ginhisugtan sang mga mangunguma kag ila mga tagasuporta sa Hacienda Luisita Summit nga ginhiwat sang Abril 10-11.

Sa pahayag sang pag-isa ni Jose Ma. Sison sa nasambit nga aktibidad, nagsaludo siya sa katutom kag determinasyon sang mga mangunguma. Siling niya, nakaabot sa ila ang impormasyon nga daku nga bahin sangpondo pangkampanya ni Aquino naghalin sa daku nga kumprador, despotikong agalon nga mayduta, mga kumpanyang US kag iban pang dumuluong nga korporasyon.

Kon mapilian si Aquino, siling ni Sison, pagagamiton niya ang iya pwesto para lubos nga indi niya pag-ihatag ang duta sa mga mangunguma. Subong pa lang, pilit na niya nga ginapakagamay ang paghimakas sang mga mangunguma sa asyenda. Mismo ang iya mga utod kag tinawo ang naghambal nga sugot sila sa pagbaylo-gamit kag liwat nga pagklasipika sang mga kadutaan sa asyenda. Mabale-wala paagi sini ang pagpanag-iyang mga mangunguma kag mamumugon sa uma nga kuno may uyat sang mga sapi sa asyenda.

Sa sini, ginabuyok ni Sison nga lubos ibuyagyag, pamatukan ang kadalukon kag pagpamintas nanday Noynoy Aquino kag sang iya pamilya sa mga mangunguma sa kaugalingon nila nga duta.

Sang Abril 14, ginsulong sang mga mangunguma sang Hacienda Luisita kag mga aktibistang pamatan-on-estudyante ang balay ni Noynoy kag pamilya Aquino sa Quezon City para ipanawagan ang hustisya para sa mga biktima sang masaker sa Hacienda Luisita, kag kundenahon ang nagapadayon nga pagpanghimulos kag pagpamigos sa mga mangunguma kag mamumugon sa uma sa asyenda kag paglikaw sa tunay nga reporma sa duta diri. Ginpakamalaut nila ang pagpakuno-kuno ni Noynoy sang hambalon niya nga kon mapwesto siya sa Malacañang plano niya nga ipanagtag na ang mga duta sa asyenda pag-abot sang 2014, pero kinahanglan pa nga bayaran ang mga utang sang asyenda.

Suno sa mga nagprotesta, ini ginhimutig ni Fernando Cojuangco, pinakalider sang pamilya Cojuangco kag pinakamataas nga upisyal sang Jose Cojuangco & Sons (ang puno nga korporasyon sang pamilya Aquino-Cojuangco), nga nagsiling wala sang anuman nga plano ang pamilya nila nga buhian ang asyenda kag ang nakabase diri nga negosyo nila sa kalamay. AB

Polisiya sa pagpangampanya, hugot nga ginapatuman

Hugot nga ginapatuman sang Bag-ong Hangaway sang Banwa (BHB) ang mga polisiya sang Demokratikong Gubyerno sang Banwa bahin sa mga pulitiko nga nagakandidato sa eleksyon subong nga Mayo 2010 kag mga sumulunod nila nagapangampanya sa sulod sang mga base kag sonang gerilya.

Iloilo. Gin-abangan kag dinis-armahan sang Abril 14 sang isa ka yunit sang Jose Percival Estocada, Jr. Command (JPEC) sang BHB-Central Panay ang grupo ni Salvador "Badong" Divinagracia nga naga-kampanya sa Barangay Agcalaga, Calinog. Si Divinagracia tinyente koronel sang AFP antes siya magretiro kag nag-entra sa reaksyunaryong pulitika. Nakuha halin kay Divinagracia, mga badigard niya nga pulis kag kriminal nga elemento ang siyam ka armas nga ginalakipan sang apat ka ripleng M16, duha pistola kal. .45, duha 9 mm Berretta kag isa kal. 38 rebolber.

Capiz. Gin-abangan sang mga Pulang hangaway sang BHB sa idalom sang Nonito Aquirre, Sr. Command sa Eastern Front-Panay ang isa ka grupo sang mga pulitiko sang Abril 16 sa tunga sang Barangay Manayupit kag Quinabunglan sa Maayon, Capiz. Ginpabalik sila kag gindumilian nga mangampanya samtang wala pa sila makigsugilanon sa lokal nga organo sang rebolusyonaryong gubyerno sang pumuluho. Nakumpiska sa isa ka pulitiko ang isa ka pistola nga kalibre .45.

Davao Oriental. Gin-aresto sang mga Pulang hangaway sang Wilfredo Zapanta Command-BHB sa Southern Mindanao Region (SMR) si Arfran "Boy" Quiñones, isa ka despotikong pulitiko. Gindakop siya sa Sityo Kalatagan, Barangay Calapagan, Lupon sang Abril 11. Nagaatubang si Quiñones sang tatlong kaso sang marder, pagpamigos kag pagmentinar sang isa ka pribadong hangaway.

Ginpauli ang mga upod ni Quiñones pagkatapos madis-armahan. Temporaryo nga ginhilway si Quiñones sang Abril 14 sa basehan nga makatawo.

Davao City. Gin-aresto kag gindis-armahan sang Armando Dumandan Operations Command sang BHB sang Abril 11 sang gab-i ang apat ka myembro sang anti-komunista nga grupong Bantay kag Alliance for Nationalism and Democracy (ANAD) sa Barangay Tibuloy, Toril District. Nagapangampanya sila sa sulod sang sonang gerilya nga wala sang pahanugot sa lokal nga rebolusyonaryong awtoridad. Nakumpiska sa ila ang isa ka pistolang 9 mm kag isa ka kal. 38 rebolber. Ang Bantay ginapamunuan sang berdugong heneral nga si Jovito Palparan kag ang ANAD ginapamunuan sang masupog nga anti-komunista nga si Pastor "Jun" Alcover.

Samtang, ginsiling sang Regional Political Department sang BHB-SMR wala ini sang kahilabtan sa pagdukot kag pagpatay sa duha ka tagakampanya sang ANAD-Bantay.

Ang duha gindukot sa Calinan District sang Marso 24 kag nakit-an nga patay sa separado nga lugar makaligad ang masobra isa ka simana. Siling sini, ang *death squad* ni Palparan ang may kahimuan sang makasiligni nga krimen para mapasibangud ini sa BHB.

Surigao del Sur. Gin-aresto kag gindis-armahan sang BHB

ang kandidato nga si Jessie Callano sa Sityo Kilayan, Baryo Malixi, Tagbina sang Abril 10 alas-4:20 sang hapon. Nakumpiska ang duha ka pistola nga .45 halin sa badigard ni Callano. Pagkaligad sang 30-minutos nga negosasyon kag paglaygay, ginbuhian man sila sang BHB.

Surigao del Norte. Duha nga kal. 45 pistola kag isa ka KG9 *machine pistol* ang nakumpiska kay Mayor Carlos Egay, Sr. kag mga badigard sini sa Baryo Lahi, Gigaquit sang Abril 15. Nagsulod sila sa erya nga wala sang koordinasyon sa lokal nga rebolusyonaryong awtoridad, suno kay Jorge "Ka Oris" Madlos sang NDF-Mindanao. Ginlaygayan sang BHB ang duha ka eskort nga pulis nga indi na lang magsunod sa pangampanya.

Samtang, ginbuyagyag sang Sergio Lobina Command-BHB sa Eastern Samar ang pagpangilkil ni Urbano "Pater" Barbo halin sa mga kandidato, nga ginagamit ang ngalan sang rebolusyonaryong hublag. Si Barbo, isa ka konsehal sang Balangkayan, ahente sang ISAFP. Siling ni Ka Rubio Manggubat, tagapamaba sang kumand, padayon nga ginakundenar sang 8th ID ang BHB bangud sa pagpangayo kuno sang bayad sa "permit to win" pero ang tunay nga manugkilkil amo ang ahente militar nga si

Barbo kag ang iya kriminal nga gang. Sanday Barbo nagaopereyt sa Balangiga, Salcedo kag Giporlos. Kahimbon niya sanday Dodong Valbuena, nga daan nga nagapangilkil gamit ang ngalan sang BHB, kag isa nga nagahingalan nga "Mappy." **AB**





Mga taktikal nga opensiba sa Mindanao

Mabaskog nga bunal ang nabaton sang mga armadong gaway sang rehimeng US-Arroyo halin sa mga yunit sang Bag-ong Hangaway sang Banwa (BHB) sadtong ikaduha nga simana sang Abril.

Davao del Sur. Gin-ambus sang BHB ang isa ka *patrol car* sang Philippine National Police (PNP) sa Sityo Mandawe, Barangay Sibulan, Sta. Cruz sang Abril 13 bandang alas-10 sang aga. Nagapauli na ang mga pulis halin sa pagresponde sa aksyong harasment sang BHB sang ambuson sila. Naguba ang ila salakyan sang palukpan ini sang mga gerilya kag napilasan si P/Insp. Rodrigo Tajos.

Agusan del Norte. Nakibot ang mga suldado sa kampo sang 23rd IB Patrol Base sa Barangay Pining, Butuan City sang bulabugon sang mga Pulang hangaway sadtong alas-10:25 sang aga sang Abril 12. Nag-atras ang mga gerilya makaligad ang lima ka minutos nga

lukpanay.

North Cotabato. Pito ka suldado sang Bravo Company sang 57th IB ang napilasan sang salakayon sila sang mga gerilya sang BHB sa Barangay Binay, Magpet sadtong alas-10:45 sang aga sang Abril 12. Padulong sa sentrong banwa ang mga suldado sang paulanan sang bala ang ila salakyan.

Sang adlaw man nga ina ginsunog kag ginsamad sang isa ka yunit sang BHB ang isa ka *spray truck* sang dumuluong nga kumpanya sang Dole Stanfilco sa Barangay Balatucan, Makilala.

Sa Makilala gihapon, ginpalukpan sang eksplosibo sang Abril 11 ang salakyan nga may karga nga mga elemento sang Scout Ranger

Company nga nakabase sa Barangay Batasan sang nasambit nga banwa.

Davao City. Napatay ang lima ka suldado kag indi pa maisip ang napilasan sang ambuson sila sang 1st Pulang Bagani Company (1st PBC) sang Merardo Arce

Command-BHB sang Abril 11 sa Sityo San Isidro, Barangay Lumiad, Paquibato District. Nagapatrulya ang mga suldado sang ambuson sila bandang alas-7 sang aga.

Suno sa report ni Ka Simon Santiago, direktor pangpulitika sang Regional Political Department sang BHB sa Southern Mindanao Region, samtang nagainaway nagabot ang duha ka helikopter sang MG-520. Pero napilitan nga magatras ang mga ini sang luthangon kag iguon sang mga isnayper sang 1st PBC. Ginbayaan na lang sa lugar nga ginaawayan ang mga patay kag pilason sang kaaway.

Nakaagaw ang BHB sang isa ka M16 kag isa ka M203 kag nadakop nila ang isa ka K-9 *bomb sniffing dog* (ginhanas nga idu). Sang ulihi, ginbuhian man nila ang idu.

Compostela Valley. Napatay si Sgt. Marlon Salva sang 72nd IB sang magbato ini sa tim sang BHB nga ginmanduan sang hukmanan sang pumuluyo nga mag-aresto kay Salva sa Sityo Sambayanan, Barangay Kamantagan, Montevista sang Abril 10. Si Salva ang kumander sang detatsment sang 72nd IB kag lakip sa mga aktibo nga paniktik sang 3rd Special Forces Battalion sang Eastern Mindanao Command sang AFP.

Nakumpiska sa sarhento ang duha ka pistola kalibre .45 kag ang *mission order* sang 10th Military Intelligence Battalion nga pirmado ni Capt. Glenn Loreto T. Caballero sang 103rd MIG-AFP.

Masupog nga tirador, ginsilutan

Gin-aresto kag ginhatagan sang silut nga kamatayon sang Pulang Limbaong Platoon sang Jose Percival Estocada, Jr. Command sang BHB-Central Panay si Leyne Leysa, 52. Si Leysa isa sa mga badigard sang anay upisyal sang militar kag pulitiko nga si Salvador "Badong" Divinagracia. Upod siya sa mga ginlambatan sang BHB bangud nangampanya sila nga wala sang koordinasyon sa lokal nga rebolusyonaryong awtoridad sang Abril 14 sa Barangay Agcalaga, Calinog, Iloilo.

Si Leysa nangin *hitman* sang Task Force Iron Eagle sang Special Action Force nga ginpamunuan ni Maj. Rolando Maclang sa Metro Iloilo City sadtong tunga-tunga sang dekada 1980. Siya ang nagpatay sa aktibista nga si Rodolfo Laporga (Ka Sonny) sang madakop ini. Imbolbado siya sa kaso nga *kidnap-for-ransom* kag pagpatay sa negosyanteng si Roberta Cokin sa Bacolod City sang 1995; brutal nga pagpatay kay Johnny Tugado, Court Sheriff sang Oton, Iloilo; pagpatay sa isa ka drayber sang traysikel sa Jaro District kag mada-mo nga iban pa. Ginsilutan siya sandig sa madugay na nga mandu sang korte sang pumuluyo.

AB

AB

Rebolusyong agraryo, nagatuwang sa armadong paghimakas

Nagatuwang ang rebolusyong agraryo sa nagaigting nga armado nga paghimakas sa bilog nga pungsod samtang ginaatubang sang Partido, BHB kag mga rebolusyonaryong pwersa sini ang pinakamapintas kag pinakamalawig nga kontra-rebolusyonaryong kampanya nga Oplan Bantay Laya (OBL 1 kag 2).

Sa NEMR. Nasarangan nga atubangon sang armado nga rebolusyonaryong pwersa kag pumuluyo sa North-Eastern Mindanao Region (NEMR) ang wala untat nga pagpang-atake sang lima ka batalyon sang 10th ID sang Philippine Army sining nakaligad tatlo ka tuig bangud sa madinalag-on sini nga pagpasulong sang rebolusyong agraryo. Nauyatan sini ang tatlo ka sangkap sang inaway banwa (pagtukod sang hangaway sang banwa, pagtukod sang baseng masa kag

paglunsar sang rebolusyong agraryo) kag madinalag-on nga napas-law ang OBL sa rehiyon.

Ginpahayag sang Pulang Diwata Command sang BHB-NEMR nga nagalab-ot sa 43,394 pamilya sang mangunguma ang nakabene-pisyo sa pagpatuman sang tunay nga reporma sa duta. Sakop sini ang 247 baryo sa lain-lain nga banwa sa sulod sang mga prenteng gerilya. Hilway nga nakapanguma didto ang 18,056 pamilyang mangunguma sa sulod sang mga

konsesyon sang trosohan nga sadto nagadumili sa ila sang duta nga matalauma. Sa proseso sang paghimakas antipyudal, madinalag-on nga napanubo ang arkila sa duta kag mga kagamitan pang-agrikultura kag 10,998 pamilyang mangunguma ang nakaganar diri. Nabene-pisyuhan man ang 6,250 pamilyang mangunguma sa pagtaas sang presyo sang ila nga mga produktong kopra, abaka, saging, uway kag *falcatta*. Napanubo man ang porsyento sang interes sa pautang kag 1,321 pamilyang mangunguma ang mga benepisyaryo sini.

Labi pa nga magadasig kag magadaku pa ang maani nga mga kadalagan sa rehiyon nga ini konlubos nga mapangibabawan ang mga bahid sang konserbatismo sa pagsulong sang rebolusyong agraryo kag pagtukod sang baseng masa. Sa sini, malab-ot sini ang target nga doblehon sa masunod nga lima ka tuig ang numero sang mga

11 armas, naagaw sa ambus sa Antipolo

Apat ang napatay kag lima ang malala nga napilasan sa siyam-katawo nga tim sang 34th Special Action Company sang 3rd Battalion sang Special Action Force-PNP sa ambus nga ginhimo sang mga Pulang hangaway sang Narciso Antazo Aramil Command (NAAC). Ginhimo ang ambus sadtong Abril 20 mga alas-6 sang aga sa Sityo Kaysakat, Barangay San Jose, Antipolo City.

Nakaagaw ang mga BHB sang pito ka ripleng M16, isa ka M203 *grenade launcher*, isa ka riple nga pang-isnayper kag duha ka pistola nga kalibre .45 sa nasambit nga pagpang-ambus. Nakaagaw man sila sang madamo nga dokumento nga may daku nga importansya sa paniktik.

Makaligad ang 15-minutos nga inaway, nagsurender ang napilasan nga apat ka suldado. Ginhatagan sila sang pauna nga panabang sang mga medik sang BHB. Ginpaathagan man sila sang

mga gerilya sa ginapakig-away sang rebolusyonaryong hublag.

Samtang, suno sa report-koresponsal sa *Ang Bayan*, lima ka aksyong militar ang ginlunsar sang BHB sa Iloilo kag Capiz sang Marso. Isa ka suldado sang 82nd IB ang napilasan sa operasyong isnayping sang BHB sa Baryo Juna, Tubungan, Iloilo sang Marso 13.

Antes ini, tatlo ka beses nga ginharas sang mga Pulang hangaway sa idalom sang Napoleon Tubamtang Command-Southern Front Panay ang isa ka de-

tachment sang Reengineered Special Operations Team sang 82nd IB sa Igcabugao, Igaras sang Marso 10. Ang mga pagbulabog natabo sang alas-4:20 sang kaagahon, alas-10:40 kag pasado alas-11 sang aga. Sa kahuy-anan, ginbalusan sang RSOT ang mga residente sa lugar. Tatlo ka adlaw nga nagpalupok sang mga *rocket* nga 81 mm halin sa helicopter nga MG-520 kag ginistraping ang Sityo Bais gamit ang kalibre .50 *machine gun*.

Ginharas man sang isa ka gamay nga iskward sa idalom sang Jose Percival Estocada, Jr. Command sang BHB-Central Panay ang detachment sang RSOT sang 47th IB sa Baryo Tacayan, Tapaz hapon sang Marso 24. Pagkatapos lang sang *clearing operations* sang Alpha Coy sang matabo ang pagbulabog sa kaaway. **AB**

platun gerilya tubtob sa mag-angkon sang tig-isa ka platun sa kada isa o duha ka munisipalidad.

Sa Eastern Visayas. Ginpahayag ni Fr. Santiago Salas, tagapamaba sang National Democratic Front (NDF-EV), nga tayuyon nagsulong ang rebolusyong agraryo katuwang ang mga kadalagan sa patag sang armadong paghimakas.

Kabahin sang programa para sa rebolusyong agraryo ang pagdumala kag pagpauswag sa mga duta nga kumpiskado kag abandonado; sustenido nga pagsulong sang pagpanubo sang arkila sa duta kag iban pa nga antipyudal nga paghimakas; pagpauswag sang produksyon kag pangabuhian para sa kaayuhan sang baseng masa kag ekonomya para sa gera.

Angot sa pagpapagsik sang antipyudal nga paghimakas, dapat magpalapad sa kapatagan, sa mga plantasyon kag iban pa nga kadutaan sang daku nga agalon nga mayduta sa rehiyon, kag pati sa mga linya sang transportasyon kag komunikasyon. Makabulig man ini sa kampanya batuk sa gutom, kaimulon kag militarisasyon nga ginatlunsar sa subong.

Katuwang sang pagsulong sang rebolusyong agraryo ang pag-igting man sang armadong paghimakas. Sang 2008-2009, nakahimo sang 143 taktikal nga open-

siba, nagdulot sang sobra 180 patay sa kaaway kag nakaagaw 63 ka armas.

Mapasanyog pa ini sa masunod nga mga tuig. Ginatantya nga makatlunsar sang indi magnubo sa 100 taktikal nga opensiba kada tuig para matukod ang dugang pa nga 16-23 prenteng gerilya.

Sa Negros. Napaslawan ang nagaharing sahi sang daku nga asendero kag burukrata nga pungan ang pagsulong sang rebolusyonaryong hublag diri. Sige-sige ang paglapad sang rebolusyong agraryo kadungan sa lain-lain nga kampanyang masa samtang nagadabdab ang inaway gerilya sa tanan nga mga distritong kongresyunal sang isla. Ginauyog ang pundasyon sang pyudal nga paghari sa kaumhan sa padayon nga pagbaskog sang kahublagang masa sa idalom sang pagpatuman sang minimum nga programa sang rebolusyong agraryo.

Pila ka libo nga mangunguma kag mamumugon sa uma ang buylog nga nagtalauma kag nagtanom sang palay, mais kag iban pang produkto nga pagkaon sa pila ka bahin sang asyenda nga nakatuon lang sa pagtanom sang tubo kag iban pang pang-eksport nga produkto nga sadto kontrolado sang mga agalon nga mayduta. Linibo man ang naglunsar sang mga aksyong masa kag kampanyang masa batuk sa malaparan nga eksplorasyon kag operasyon sang dakung kumpanya sa pagmina.


Wala sang tupong nga kapintas ang nangin reaksiyon diri sang daku nga agalon nga mayduta kag *warlord* pareho nanday Eduardo "Danding" Cojuangco, Alfredo Marañon Jr., Magdaleno Peña, Herminio Teves, Jocelyn Limkaichong kag pamilyang Zayco sang Kabankalan City. Sugod 2008, nagalabot na sa 15 mangunguma kag mamu-

mugon sa uma ang ginpatay sang militar kag mga kahimbon sini nga bandido nga Revolutionary Proletarian Army. Masobra 100 mangunguma na ang ginpasakaan sang mga agalon nga mayduta sang mga himu-himo nga kaso nga kriminal sa mga kontrolado nila nga hukmanan. Ginbilanggo ang masobra 50 mangunguma kag madamo nga iban pa ang nangin biktima sang iligal nga pagpang-aresto, pagpaantus kag pagpamahog sa ila nga kabuhi. Wala untat man nga ginwasak sang mga tropa militar kag paramilitar ang mga proyekto pangproduksyon sang pagkaon kag kasapatan sang mga mangunguma.

Bisan pa man, ang masingki nga reaksiyon sang kaaway labi pa nga nagpalig-on sa handum sang pumuluyo. Nagaabot na subong sa mas o menos 100,000 pumuluyo ang naganakon sang kongkretong kadalagan halin sa rebolusyong agraryo. Madamo man ang nakaganar sang mga proyekto sa pagpauswag sang produksyon, ikaayong lawas, edukasyon, arbitrasyon o paglubad sang mga problema sa kubay sang mga pumuluyo, pagpaluntad sang kalinungan kag kaayuhan sang komunidad, sistema sang limpyo nga mainom nga tubig kag irigasyon kag iban pang sosyo-ekonomikong proyekto.

Sa pihak sang pagtambak diri sang halos 10 batalyon nga regular kag paramilitar sang rehimen, nakatlunsar gihapon sang napulo ka taktikal nga opensiba ang BHB kada kwarto halin 2008 tubtob una nga bahin sang 2010. Ginaplano subong sang mga rebolusyonaryong pwersa sa isla nga doblehon pa ang subong nga armadong kusog kag papagsikon ang pagpakig-away nga partisano sa mga sentrong syudad sa tanan sang distrito nga kongresyunal sang Negros.

Sa Cagayan Valley. Masobra 400,000 mangunguma ang nakaganar sa rebolusyong agraryo, suno kay Salvador del Pueblo, ta-



gapamaba sang NDF sa rehiyon. Napanubo sang 50% sa 11 banwa sang Cagayan kag Isabela ang arkila sa duta, kagamitan pang-agrikultura kag tantos sa usura. Ginpataas ang mga presyo sang ila produktong palay, mais, saging kag ang inad-law nga suhol sang mga mamumugon sa uma.

Tuga sang mga kadalag-an nga ini, nag-agum sang madamo pa nga kadalag-an ang inaway banwa sa rehiyon. Sa unang bahin sang dekada nga ini, natukod na ang mga pormasyong platun sang BHB sa rehiyon kag padayon ini sa pagtukod sang mga kusog-kumpanya nga prenteng gerilya.

Nagasalig ang rebolusyonaryo nga armadong kahublagan sa rehiyon nga magaangkon ini sang mas madamo pa nga mga kadalag-an kag labing magasulong ang inaway banwa bangud sa mga kadalag-an sang rebolusyong agraryo. Bisan relatibong mahina pa subong ang kahublagan sa rehiyon, ginaseguro sini nga makaamot ini sa pagpaigting sang armadong paghimakas sa bilog nga pungsod. Ang garantiya sini, suno kay Del Pueblo ang esensyal nga pag-uyat sa importante nga leksyon sa pagsulong sang rebolusyon pareho sang pagpatuman sang rebolusyong agrayo, pagtukod sang mga milisyang bayan kag kwerpo sang pagpangapin sa kaugalingon kag pagpaigting sang mga taktikal nga opensiba. AB




Hunger strike sang Morong 43

Gin-umpisahan sang detenido nga Morong 43 ang pagbalibad nga magkaon (*hunger strike*) sang Abril 13 bilang protesta sa pagkaatrasar sang ila pagsaylo sa kusto-diya sang PNP. Ginsuportahan sila sang lain-lain nga progresibo nga organisasyon nga nagmartsa sa Maynila pagkaaga. Naglunsar man sang *hunger strike* ang ila mga kapamilya sa Bantayog sang mga Bayani sa Quezon City.

Isa naman ka *noise barrage* ang ginlunsar sang mga kapamilya kag abyan sang mga detenido sining Abril 15 para iduso ang temprano nga pagsaylo sang mga detenido sa Camp Crame, puno nga hedkwarters sang PNP.

Matandaan nga ginmandu sang Morong Regional Trial Court ang pagsaylo sang mga detenido pulitikal apang



wala sila ginpadayon sang pulisya sa Camp Crame bangud nga gutok na kuno ang kulungan sang kampo. Ginbalik sang Philippine Army ang mga detenido pulitikal sa Camp Capinpin sa Tanay, Rizal. AB

Pag-abswelto sa mga Ampatuan, ginkundenar

Nag-ani sang mabaskog kag malapad nga pagkundenar ang mando ni acting Secretary of Justice Alberto Agra nga absweltuhon kag hilwayon ang duha ka nagapamuno nga myembro sang pamilya Ampatuan nga akusado sa makangilidlis nga pagpatay sa 57 katawo sang Nobyembre 23 sa Maguindanao.

Gin-abswelto ni Agra sang Abril 16 si Zaldy "Puti" Ampatuan, anay gobernador sang Autonomous Region in Muslim Mindanao (ARMM) kag ang iya pakaisa nga si Akmad "Tato" Ampatuan Sr., anay vice mayor sang Mamasapano, Maguindanao sa kaso nga pagpatay. Wala kuno sang ebidensya batuk sa ila. Antes pa ini ginbasura man sang Marso 29 ang kaso nga rebelyon batuk sa ila.

Suno kay Manuel Reblando, utod sang ginpatay nga reporter sang *Manila Bulletin* nga si Alejan-

dro "Bong" Reblando, si Agra tuta ni Gloria Arroyo kag si Arroyo mismo ang yara sa likod sang pag-abswelto sa duha ka Ampatuan bangud sa iya kabalaslan sa pamilya sang eleksyon 2004 kag 2007. Nagapati ang mga pamilya sang biktima nga nagbaton si Agra sang suhol halin sa mga Ampatuan. Kilala man siya bilang isa sa mga taga-areglo ni Arroyo sa lain-lain nga problema.

Daan nga abugado man siya sang mga Ampatuan sa mga halambalanon pang-eleksyon. Ginapadali

nanday Arroyo ang pag-abswelto sa mga Ampatuan para makuha pa gihapon ang suporta sang ila pamilya sa nagahilapit nga eleksyon.

Naglunsar sang sunud-sunod nga mga aksyong protesta ang pamilya sang mga biktima sang masaker kag ila mga tagasuporta. Nagpetisyon man sila nga ipaiway tubtob matapos ang eleksyon ang pagbista.

Mismo ang mga pangpubliko nga prosekyutor nagpabutyag sang mabaskog nga pagkundenar sa mandu ni Agra. Suno kay Chief State Prosecutor Claro Arellano, indi matuod ang ginahambal ni Agra nga wala sang testigo batuk kandy Zaldy kag Akmad Ampatuan. Siling niya, madamo nga ebidensya ang nagpamatuod sa kasal-anan sang duha kag may ara isa ka testigo nga positibo ang nagakilala sa duha bilang kahimbon sa pagplano

Operation Green Hunt kag ang rebolusyon sa India

Gerang henosidyo batuk sa rebolusyonaryong kahublagan sang pumuluyo

Ginakundenar sang Partido Komunista sang Pilipinas, sang pumuluyong Pilipino kag sang rebolusyonaryong kahublagan sa bilog nga kalibutan ang “Operation Green Hunt,” isa ka kontra-rebolusyonaryong gera nga ginalunsar sang reaksyunaryong gubyrno sang India batuk sa armado nga rebolusyonaryong hublag kag mga pungsodnon nga minoriya sa sulod sang pungsod. Ang inaway nga ini kabahin sang teroristang gera nga ginapamunuan sang US sa lain-lain nga bahin sang kalibutan, pangunahon diin man may pagbato ang pumuluyo.

Mayor nga target sang Operation Green Hunt ang mga erya nga manggaranon sa mineral pareho sang West Bengal, Jharkland, Orissa, Chhattisgarh, Andhra Pradesh, Bihar kag Maharashtra. Ang mga lugar nga ini ginbansagan man “Red Corridor,” bangud diri makitan ang lapnagon kag nagasulong ang rebolusyonaryong inaway nga ginapamunuan sang Communist Party of India (CPI)-Maoist.

Sining nakaligad nga tinuig, madamo nga mga proyekto kag operasyon sa pagmina kag iban pa ang naatrasar, kon indi man direkta na nga napaatras bangud sa mabaskog ang pagbato sang pumuluyo diri, nga suportado sang People’s Liberation Guerrilla Army kag CPI-Maoist.

Sa mga lugar nga ini makitan ang mga deposito sang salsalon, uling, bulawan, diamante, *bauxite* kag *uranium*. Ang mga erya nga ini ginakabig nga paborable man para patindugan sang mga *special economic zone*. Madamo na nga kasugtanan para sa pagmina sang mga dumuluong kag lokal nga kapitalista ang gintugutan sang reaksyunaryong rehimen nga Indian para sa mga erya nga ini.

Mas madamo pa nga erya ang nagaoperasyon na nga mga kumpa-

nya pareho sang Vedanta, Rio Tinto kag Posco nga madugay na naga-dambong sa dunang manggad sang pungsod.

Sining nagligad nga lima ka tuig lang, ang mga gubyrno sang Chhattisgarh, Jharkhand, Orissa kag West Bengal sekreto nga nagkasugot sa mga dumuluong kag lokal nga kumpanya para sa binilyon nga dolyar nga balor sang mga kasugtanan para magtukod sang mga pabrika sang asero, salsalon kag aluminyum, planta sang kuryente, dam kag mina. Para mahatagan

sang ligwa ang mga kasugtanan nga ini, ginapalayas ang pumuluyo, kadam-an mga nasyunal nga minoriya, kag ginawasak ang ila nga mga organisasyon.

Operation Green Hunt. Para kontrahon ang kusog sang mga gerilya, nagdeploy sang daku nga pwersa sang militar ang sentral nga reaksyunaryong gubyrno sang India sa malapad nga erya sa estado sang West Bengal kag Odisha. Diri, ginapatuman ang malaparan nga paghulog sang bomba, gamit ang abanse nga kagamitan militar halin sa US kag Israel. Tuman kaathag sang himbunanay sang reaksyunaryong rehimen sa India kag sang imperyalismong US sa Operation Green Hunt.

Sa idalom sang Operation Green Hunt, labi nga nagasingki ang pagpang-atake sa pangabuhian kag kinamatarung sang pumuluyo nga ara sa nasambit nga erya. Nagalab-ot na sa 20 milyon nga mangunguma ang napalayas sa ila nga mga ulumhan dulot sang *hamletting* (paghugot sa guwa-sulod sang mga tawo sa isa ka lugar) kag pagsona. Lapnagon ang mga pagpang-abuso





pareho sang tortyur kag pagpang-lugos. Madamo nga mga komunidad ang ginasunog para tabugon ang mga residente ginaakusar nga myembro o tagasuporta sang CPI-Maoist. Madamo sa mga residente ang pwersahan nga ginapapuyo sa mga gwardyadong komunidad nga ginatawag "security camp" kag ginalimitahan ang paghulag. Ginadumilian sila nga magkadto sa ila nga mga ulumhan. Ang nagalapas diri awtomatiko nga ginatiro.

Ginadumili sa mga apektado nga pumuluyo ang tanan nga mga legal nga patag, lakip ang mga korte. Ginadumilian ang pagsulod kag pagpahayag sang midya sa mga hitabo sa lugar. Ginaipit kag ginapahog ang mga organisasyon, katapu sang midya, mga intelektwal, manugsulat, mga alagad sang arte kag iban pa nga progresibo nga nagapamatok sa operation Green Hunt kag nagasuporta sa pagbato sang pumuluyo nga ginatarget sini.

Bilang sabat, ginabuligan sang CPI-Maoist ang pumuluyo nga organisahon at pabaskugon ang ila nga mga kaugalingon. Naglunsar sila sang mga kampanyang literasiya kag pang-edukasyon paagi sa pagtukod sang mga eskwelahan. Naghatag sila sang mga kinahanglanon nga serbisyo medikal. Nagtukod sila sang mga yunit para sa kaugalingon nga pagsakdag kag mga tugas nga pwersa para batuan kag lutuson ang mga pagpang-atake kag pagpamigos sang mga militar kag paramilitar nga pwersa sang estado nga ginadeploy sa ila nga mga komunidad.

Inspirasyon sang PKP kag sa bilog nga kalibutan. Hugot nga ginasundan kag ginadayaw sang mga rebolusyonaryo kag sang PKP ang inaway gerilya kag rebolusyonaryong kahublagan sa India. Nagasaludo ini sa ila mga kadalag-

an. Ang kada kada-lag-an nila amot sa internasyunal nga proletaryong paghimakas kag ginatumod sang PKP nga nagasuporta sa paguswag sang armadong paghimakas sa Pilipinas

kag sa iban pa nga mga kahublagan komunista kag rebolusyonaryo sa bilog nga kalibutan.

Ginaganyat sang armadong kahublagan sa India ang pumuluyo sa bilog nga kalibutan nga magtindog kag magbato. Handa ang PKP nga maghatag sang anuman nga bulig kag suporta sa mga rebolusyonaryong Indian para labi pa nga mag-sulong ang ila paghimakas. Kabahin ini sang proletaryong internasyunalista nga hilikuton sang mga komunistang Pilipino. Ginapananaw sang PKP, mahimo nga mayor nga pwersa ang mga rebolusyonaryo kag komunista sa India sa pagsulong sang internasyunal nga paghimakas proletaryo bangud sa kadaku sang pungsod kag sinsin nga naabot sang inaway banwa didto. Labaw sa tanan, importante



ini bangud ara sa idalom sang husto nga proletaryong rebolusyonaryo sang isa ka tunay nga komunista nga partido.

May potensyal ini nga dal-on ang pangkalibutanon nga kahublagan komunista sa

bag-o kag mas mataas nga lebel, pareho sang nangin papel sang Russia pagkatapos ang Una nga Gera Mundyal tubtob dekada 1950 kag sang China pagkatapos ang Ikaduha nga Gera Mundyal tubtob 1970.

Ginakabig sang PKP ang CPI-Maoist bilang utod nga partido. Mataas ang lebel sang paghiliusa sang duha ka partido sa patag sang ideolohiya. Sining nagligad nga mga tuig, nag-angkon na sang madamo nga kahigayunan para magbayluhanay sang mga ideya kag praktikal nga inagihan ang mga ini. Amo man, madamo sang mga kumperensya ang gintambungan nila kon sa diin pareho sila nga nag-angkon sang papel sa importante nga katungdanan para sa pagpalapnag sang Marxismo, Leninismo kag Maoismo. **AB**

Pagpang-ipit sa ILPS, ginkundenar

Mabaskog nga ginakundenar ni Prof. Jose Ma. Sison, tagapangulo sang International League of Peoples' Struggle (ILPS), ang akusasyon sang rehimeng Arroyo nga ginagamit sang Partido Komunista sang Pilipinas (PKP) ang ILPS para magpadala sang mga kadre pakadto sa India.

Ginakundenar man sang PKP ang akusasyon sa ILPS nga siling sini maathag nga sulsol sang CIA para ipiton si Prof. Sison.

Suno kay Prof. Sison, ang kabutigan nga ini pagtinguha sang rehimen nga maglapta sang disimpormasyon batuk sa ILPS, isa ka malapad nga anti-imperyalistang alyansa nga iya ginapamunuan. Ginagamit lang sang rehimen ang estorya nga ini para ibalewala ang istatus niya bilang *political refugee*, ibalik sa listahan sang mga terorista, arestuhon kag liwat siya nga idetine sa The Netherlands. **AB**

Mga mamumugon sa Europe, nagwelga

Pila ka beses na nga nag-untat ang mga byahe sang mga eroplano sa Europe dulot sang sunod-sunod nga mga welga nga ginalunsar sang mga unyon sang piloto kag empleyado batuk sa tatlo ka pinakadaku nga *airline* sa Europe umpisa sadtong 2010.

Mabaskog nga ginapamatukan nila ang mga tikang sang mga kumpanya para buhinan ang gasto pareho sang pagpahalin sa trabaho kag paglansang sa sweldo kag *bonus*. Bunga naman ini sang pagpamtuman sang kada gubyrno sa polisiya nga pribatisasyon kag deregulasyon sa mga *airline*.

Nag-walkout ang 13,400 *cabin crew* sang British Airways (BA) sang Marso 17 tubtob Marso 30. Ginapamatukan sang Unite, ila nga unyon, ang tuyo nga pagbuhin sang gasto sa operasyon sang nasambit nga kumpanya. Pinakatalupangdon diri ang paglansang sang sweldo subong nga 2010, paghimo sa 3,000 regular nga istap nga mangin partaym nga empleyado kag pagbuhin sa kadakuon sang *cabin crew* halin 15 pakadto 14 para sa malayo nga byahe.

Paralisado ang Heathrow Airport, mayor nga hulugpaan sa Britain kag isa sa pinakamasako sa mga pasahero sa bilog nga kalibutan. Naglab-ot sa 1,100 byahe ang ginkansela kag 72 *million pound* (P14.9 bilyon) ang nalugi sang BA.

Pagkatapos sang welga, napilitan nga makignegosasyon ang kumpanya sa unyon sang mga mamumugon. Paglab-ot sang Abril 4, may signipikanteng nakasugtan ang magtimbang nga bahin bahin sa isyu sang pagpabilin sa sweldo kag pagbag-o sa numero sang istap kada byahe gani nagdesisyon ang unyon nga untaton anay ang pagwelga.

Ikaduha nga aksyon na ini ha-

lin nga ginlunsar ang tatlo ka adlaw nga welga sang Marso 20-22. Nagpakatig-a ang BA sa ila pusi-syon gani nga ginlunsar ang ikaduha nga welga.

Ang BA ang ikaanom sa pinakadaku nga *airline* sa bilog nga kalibutan kag ikatlo sa bilog nga Europe. Daan nga ginapanag-iyahan ini sang gubyrno pero ginpaidalom na sa pribatisasyon. Sang naghanot ang pangkalibutanon nga resesyon, isa ini sa mga nag-agum sang grabeng pagkalugi nga naglab-ot sang 400 *million pound* sang 2009.

Dululungan nga pagwelga

Ang welga sa BA nga hugot nga ginasundan sang mga unyon sa industriya sang *airline* sa lain-lain nga bahin sang kalibutan upod ang US, Australia, Germany kag Spain.

Bilang pagpakig-isa, ang mga *cabin crew* sang Air France nagpaandam nga dungan nga magalunsar sang apat ka adlaw nga welga halin Marso 28 asta 31. Pareho sang *cabin crew* sa BA, ginapamatukan man nila ang tikang nga magbuhin gasto sang kumpanya. Sa kahadlok sang Air France, napilitan ini nga ipaiway sang isa ka tuig ang nasambit nga tikang gani wala ginpadayon ang nasambit nga welga.

Nagpaandam naman ang piloto sang TAP Portugal Airlines nga magwelga sang anom ka adlaw sang Marso 36 asta 31 para iduso ang 5.6% dugang sa sweldo nila.

Wala na ginpadayon ang welga sang magpasugot ang gubyrno nga dugangan sang 1.8% ang swel-



do sang mga piloto kag mga empleyado. Luwas diri, ginhatagan man sang sapi ang mga piloto kag mga empleyado sa balor nga kapareho sang makinot sang kumpanya sa ginahimo nga malaparan nga pagpahalin sa trabaho.

Nagpaandam man ang 4,000 piloto sang Lufthansa sang Germany nga liwat maglunsar sang apat ka adlaw nga welga sa Abril 13 asta 16 kon indi magpasugot ang maneydsment sa pila ka ginaduso nga 6.4% dugang sa ila sweldo.

Ginapamatukan nila ang plano sang kumpanya nga ipabilin ang ila mga sweldo bilang tikang sa pagbuhin-gasto. Siling sang mga piloto handa sila nga batunon ini basta garantiyahan sang kumpanya ang seguridad sang ila trabaho.

Sang Abril 8, sa kahadlok sang kumpanya nga makaagum na na-



man sang daku nga pagkaputo, napilitan ini nga magpasugot sa mga mamumugon nga liwat buksan ang negosasyon sa kontrata, gani nga wala na ginpadayon ang tuyo nga welga.

Naglunsar sang apat ka adlaw nga *walkout* ang natumod nga piloto sang Pebrero 24 asta 27 pero wala pa gihapon magpasugot ang nasambit nga kumpanya. Nagresulta ini sa pagkansela sang ginatos ka byahe sa lain-lain nga bahin sang kalibutan. Ginatantya nga naglab-ot sa 25 *million euro* kada adlaw ang lugi sang Lufthansa.

Samtang sa Italy, naglunsar man sang apat ka oras nga pungsodnon nga welga ang mga piloto, *flight attendant* kag *baggage handler* sang Alitalia sang Marso 26. Ginprotestahan nila ang plano nga malaparan nga pagpahalin sa trabaho. Nagdulot ini sang pagkansela sang 146 byahe, liwat nga pagiskedyul kag pagkaatrasar sa mga byahe sa mga hulugpaan sang Fiumicino sa Rome kag Linate sa Milan.

Antes sini, sadtong Enero 2009 naglunsar na sila sang apat ka oras nga welga batuk sa bag-ong kontrata kag polisiya sa empleyado nga ginapatuman sang bag-ong manedysment sang Alitalia matapos ini maisapribado. May ara na lamang ini nga 12,700 empleyado halin sa 23,500 dulot sang pribatisasyon.

AB

Protesta sang mga doktor kag empleyado sa UP-PGH, nagalapad

NAGLAB-OT na sa 104 nga mga doktor, nars kag empleyado sang University of the Philippines-Philippine General Hospital (UP-PGH) ang temporaryo nga wala nagsulod sa trabaho bilang protesta sa pagpasilabot sang rehimen sa plano sining pribatisasyon sang ospital. Naglunsar sila sang pauna nga hublag-protesta sang Marso 29.

Mayor nga ginaduso nila nga ibalik si Dr. Jose Gonzales bilang direktor sang PGH. Gusto nila nga patalsikon si Dr. Enrique Domingo nga ilegal nga ginpwesto sang UP Board of Regents nga magpamuno sa ospital. Kadungan sini, ginhingyo man sang mga doktor kag empleyado nga dugangan ang badyet sa ikaayong lawas nga sa amo mapataas ang ila sweldo kag mapauswag ang serbisyo sang PGH sa pumuluyo.

Ginapadayon sang mga doktor kag empleyado ang *mass leave* sa pihak sang paandam sang Civil Service Commission nga suspendihon sila kon padayunon nila ini. Suportado sang ALL-UP Workers Union kag sang Student Council sa UP Manila kag Diliman ang ila *mass leave*.


Pasilabot sang mga suldado sa eleksyon, ginkundenar

MABASKOG nga ginkundenar sang mga kandidato sa pagkasenador nga sanday Bayan Muna Rep. Satur Ocampo kag Gabriela Women's Party Rep. Liza Maza ang ginahimo nga pagpanamad sang mga suldado sa ila kag sa mga progresibong grupo.

Nagalunsar sang "Zero Campaign" ang mga suldado batuk sa ila labi na sa Mindanao. Nagapamalay-balay pa ang mga suldado para maghatag sang mga poster kag polyeto nga nagapanamad sa ila. Sa Central Luzon ginamarkahan sang mga suldado sang Northern Luzon Command sang "NPA, Huwag Iboto!" ang mga poster nanday Maza kag Ocampo.

Sang Abril 6, naglunsar sang porum ang 69th IB (mas kilala bilang Palparan Battalion) sa Philippine College Technology sa Bajada, Davao City. Nanawagan ang mga suldado sa mga estudyante nga indi iboto ang Bayan Muna kag Makabayan. Ginsiling sang mga suldado nga ginakurakot sang mga progresibong partido sa Kongreso ang ila mga *pork barrel* para ihatag sa rebolusyonaryong kahublagan kag sa Bag-ong Hangaway sang Banwa.

Samtang, isa ka pulis ang nagpanakit sa mga katapu sang Kabataan Partylist sa Cebu City. Sang Abril 10, ginsumbag ni Supt. Ariel Paculto, amay sang kandidato sa pagka-Bise Alkalde sa Cebu City nga si Roger Paculto sanday Remil Olivia, ikaapat nga nominado, sang partido kag bulontir nga si Bryan Laguna. Ginkundenar ni Rep. Raymond Palatino sang Kabataan Partylist ang ginhimo nga pagpanakit kag ginpasakaan sang kaso si Paculto. Ang mag-amay nga Paculto masupog nga tagasuporta sang kontra-komunista nga grupong



**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 8
Abril 21, 2010
www.philippinerevolution.net

Editoryal

Uyatan ang inisyatiba sa nagahana nga paglupok sang krisis pangpulitika


Nagahana nga maglupok ang mabaskog nga krisis sang nagaharing sistema pangpulitika. Labi nga magasingki ang kaakig sang pumuluyo kag ang banggianay sang magkaribal nga reaksyunaryong paksyon sa mga plano ni Gloria Arroyo nga dayaan o idis-karil ang nagahilapit nga eleksyon. Sa atubang sang malapad kag madalom nga kinagamo sa kubay sang mga reaksyunaryo, dapat uyatan sang pumuluyo kag mga rebolusyonaryong pwersa ang inisyatiba sa pulitika kag labi nga isulong ang rebolusyong Pilipino.

Wala-tuo ang mga senyal nga nakasentro subong ang pagtinguha ni Arroyo kag iya mga kahimbon sa plano nga pagpalya sang "auto-mated" nga eleksyon. Sa atubang ini sang kabudlayan nga palutson ang pagdaog sa iya nagakaulihi nga manok sa pagkapresidente. Mismo ang mataas nga upisyal sang Malacañang ang nagapaandam nga tubtub 30% ang posibilidad nga

magapalyar ang de-kompyuter nga pag-isip sang boto. Sa diin man ini matabo, mahimo man kuno magkambyo sa mano-mano nga pag-isip.

Pero ang ginakakulbaan sang madamo amo ang pagpasibangud sang kinagamo sa isipay nga magasablag sa proklamasyon sang presidente, bise presidente kag mga senador tubtob Hunyo 30. Kon matabo, patud nga ipamilit ni Arroyo ang pagpadayon sang iya paghari bilang "presidente nga pangtransisyon."

Mas nagatum-ok subong si Arroyo sang daku nga atensyon kag resorsa sa eleksyon pangkongreso, sa kaugalingon nga kampanya sa pagka-kongresista sa Pampanga, kag sa mga maniobra niya pagkatapos sang eleksyon. Ginapabay-an na niya kag wala ginapartehan sang pondo pangkampanya ang mga kandidato sang partido niya sa mga lebel nga nasyunal kag lokal nga gubyrno. Nagatuga ini subong sang lapnagon nga sakit-buot kag pagbiya sa nagaharing partido Lakas-Kampi-CMD. Tuyo ni Arroyo nga kontrolon ang bag-ong Kongreso agud mabutang ang kaugalingon bilang Speaker. Pagaga-



Mga tampok sa isyu nga ini...

Hublag-protesta sa Hacienda Luisita

PAHINA 3

Rebolusyong agraryo, katuwang sa gera

PAHINA 6

Operation Green Hunt sa India

PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*